

**Последование благодарственного и молебнаго пения ко Господу Богу, певаемого в день Победы в Великой Отечественной войне**

**Диакон:** Благослові, Владыко.

**Иерей возглашает:** Слава Святей, и Единосущней, и Животворящей, и Нераздельней Троице, всегда, ныне и присно и во веки веков.

**Лик:** Амѣнь.

**Диакон:** Мѣром Господу помѣлимся: **до прошения:** О плавающих:

**К обычным прошениям присоединяем особая:**

О еже исправитися молитве нашей сей, яко кадилу пред Спасителем нашим Богом, и приятися сей жертве сердец и устен, исповедающихся Господеву в день спасения, услышавшему нас в день печали, Господу помѣлимся.

О еже непреоборѣму и победѣтельному всегда над врагѣ Отчеству быти, и мир и славу утвердити в земли нашей, Господу помѣлимся.

О еже даровати нам благодать от ныне и до века верою и любовью возвещати спасение и силу и Царство Бога нашего и область Христа Его, подавшему стране нашей силу и воздавшему нам радость спасения Своего, Господу помѣлимся.

О избавитися нам:

Заступи, спаси, помилуй:

Пресвятую, Пречистую:

**Возглас:** Яко подобает Тебѣ всякая слава:

**Посем:** Бог Господь, и явися нам: **со стихами.**

**Тропарь, глас 4:**

Благодарни суще, недостойнии раби Твои, Господи, о Твоих великих благодеяниях на нас бывших, славяще Тя, хвалим, благословим, благодарим, поем и величаем Твое благоутробие, и рабски любовью вопиѣм Ти: Благодетелю, Спасе наш, слава Тебѣ.

**Слава: глас 1:**

Спаси, Господи, люди Твоя и благослови достояние Твое, победы православным христианом на сопротивныя даруя и Твое сохраняя Крестом Твоим жительство.

**И** ныне: *глас 8:*

Взбранной Воеводе победительная, яко избавльшеся от злых, благодарственная восписуем Ти, раби Твой, Богородице, но, яко имущая державу непобедимую, от всяких нас бед свободи, да зовем Ти: радуйся, Невесто Неневестная.

**Диакон:** Вонмем.

**Иерей:** Мир всем.

**Чтец:** И духови твоему.

**Диакон:** Премудрость, вонмем.

**Чтец:** Прокимен, глас 4:

Господь крепость людем Своим даст, Господь благословит люди Своя миром.

**Стих:** Принесите Господеву, сынове Божии, принесите Господеву славу и честь.

**Апостол ко Ефесеем, зачало 233.**

**Евангелие от Матфея, зачало 98-99 (сборное).**

Рече Господь Своим учеником: услышати имате брани и слышания бранем. Зрите, не ужасайтесь, подобает бо всем сим быти, но не тогда есть кончина. Востанет бо язык на язык и царство на царство, и будут глади и пагубы, и труси по месту. Вся же сия начало болезнем. Будет бо тогда скорбь велия, якова же не была от начала мира доселе, ниже имать быти. И аще не быша прекратилися дние оны, не бы убо спаслася всяка плоть. Избранных же ради прекратятся дние оны.

**По Евангелии ектенія:** Рцем вси:

**По Ещѣ молимся о богохранимѣй странѣ нашей: *присоединяем прошения особая:***

Ещѣ молимся, о еже прияти Господу Спасителю нашему исповѣдание и благодарѣние нас, недостойных рабов Своих, яко не по беззаконіем нашим сотворил есть нам, ниже по грехом нашим воздал есть нам, но и в годину искушения, пришедшаго на Отечество наше и на всю вселенную, избавил ны есть, и внемда, обышедше, обыдоша нас врази наши, явил есть нам спасѣние Своѣ.

Ещѣ молимся о вождех и воинех наших, на поли брани жизнь свою положивших, от ран и глада скончавшихся, в пленении и горьких работах

невинно умученных и убиенных, и всех Победы ради потрудившихся, яко да даст им Царь славы в день праведнаго Своего воздаяния жизнь вечную и венцы нетления, нас же всех в вере и единомыслии утвердит.

Еще молимся Тебе Господу, Богу нашему, о еже призрети на, скорби, беды, страдания, слезы и стенания людей Своих, и Милостиву быти и отвратити весь гнев Свой, праведно движимый на ны, и помилovati ны.

*Возглас:* Услыши ны, Боже, Спасителю наш:

*Хор:* Амѣнь.

*Диакон:* Господу помолимся.

*Хор:* Господи, помилуй.

*Иерей же со всюю церковию со всяким вниманием и умилением глаголет молитву сию велегласно:*

Боже Великий и Непостижимый, спасаая погибаяущия, животворяя мертвыя,/ вся творяя по воли Твоей, и дивным Твоим промыслом управляя всяческая!/ Приклони ухо Твое с высоты святія Твоея и прими от нас, смиренных и недостойных рабов Твоих,/ сердцем и усты возносимая Тебе благодарственная сия моления, исповедания и славословия.

Яко не по беззаконием нашим сотворил еси нам, Господи, ниже по грехом нашим воздал еси нам./ Ты глагола еси древле сыновом Израилевым, яко, аще не послушают гласа Твоего хранити и творити вся заповеди Твоя,/ наведеша на них язык безстуден лицем, иже сокрушит их во градех их, дондеже разорятся стѣны их./ И мы ведехом, яко исполнился глагол сей страшный на народе нашем./

Но Ты, Господи Боже, Щедрый и Милостивый, Долготерпеливый и Истинный/ и правду храняя и творяя милость, милостию велиею помиловал еси/ и, посетив жезлом неправды наша, ущедрил еси нас победою на сопостаты./ Темже утвердися сердце наше в Господе нашем,/ вознесся рог наш в Бозе нашем, возвеселихомся о спасении Твоем./ Благодарим Тя за избавление Отчества от врага лютаго./ Дажь нам, Господи, память сего славнаго Твоего посещения/ твердо и непрестанно имети в себе,/ еже всегда благодарити и славословити:/ слава Тебе, Богу, Благодетелю нашему, во веки веков.

*Лик:* Амѣнь.

*Диакон:* Премудрость.

*Лик:* Честнейшую Херувим:

Слава, и ныне: Господи, помилуй *(трижды)*. Благослови.

*И отпуст:*

Воскресый из мертвых, Христос, Истинный Бог наш, молитвами Пречистыя Своея Матере, святых славных и всехвальных апостол, святого великомученика и Победоносца Георгия, всех святых, в земли Российской просиявших, и всех святых, помилует и спасет нас, яко Благ и Человеколюбец.

*Таже:* Во блаженном успении вечный покой подаждь, Господи, усопшим рабам Твоим, приснопамятным вождем и воином за веру и Отечество на поли брани жизнь свою положившим, от ран и глады скончавшимся, в пленении и горьких работах невинно умученным и убиенным и всем Победы ради потрудившимся, и сотвори им вечную память.

*По сих же* Многолетия и Христос воскресет: *(трижды)*